

բօր տունը թէյ խմելուց յետոյ խմբովին զուռնայի և թըմբուկի նւագածութեամբ և պարելով գնում են բաղնիս թագաւորին վերցնելու, ուր լողանալիս է լինում: Բաղնիս դռան առջ «Թագաւորը» համբուրում է բոլոր հանդիսականների ձեռքերը, իսկ նրա մօտիկ ազգականները համբուրում են նրա երեսը և զրպանում շաքար ածում կամ վզին մետաքսէ թաշկինակ կապում: Ապա այդտեղից թագաւորին տանում են եկեղեցի, ուր նա ուխտ է կատարում: Այնուհետև թագաւորի մօտիկ ազգականներից մէկը վերցնում է նրան և տուն տանում, իսկ հասարակութիւնը եկեղեցուց գնում է հարսին բաղնից դուրս բերելու. նրան էլ նւերներ են տալիս, յետոյ տանում եկեղեցի ուխտի, ապա վերագառնում են նրա տունը և թէյ խմելուց յետոյ ցրում են:

Այդ երեկոյեան թագաւորի տանն ընթրիք են տալիս մօտ 2—300 հոգու, ուր հրաւիրւածները «ծաղիկ» (փող) են տալիս փեսին 1 զուռնից մինչև 10 թուման և կամ մի գլուխ դանդ կամ մի զոյգ գուլպայ, իրենց կարողութեան չափով: «Ծաղիկ»ը ժողովուրդ է հետևեալ կերպով. երբ «մէջլիսը» (ժողովականները) հաւաքւում է, հրաւիրեալներից մէկը կանգնում է մի անկիւնում և ստանալով իւրաքանչիւրի նւերը, բարձրաձայն գոչւում է.

— Զամիւնթ (նվ մարդիկ, ժողովուրդ), շէն կենայ (ենթադրենք Յովհաննէսը), մի թուման բերել է թագաւորին, մէկէլ էս օրս (եկող տարի այսօր ևս) իրա ազաբներին (անպսակներին):

Ենթահաւորական նւերները հաւաքելուց յետոյ, որ լինում է 30—40—50 թուման, յանձնւում է փեսայի հօրը: Այնուհետև զուռնային գնում է հարսնացւի տունը և հինայ է բերում, որ դնում են թագաւորի ձեռքերին: Ապա խմբովին թագաւորի տնից տանում են հինէն հարսնացւին, որպէսզի ձեռքը հինայեն, բայց նա ձեռները բաց չի անում. այդ ժամանակ սկեսուրը նրա ձեռքում փող է ածում, իսկ կեսրային էլ երեկոյեան հաւաքւած «ծաղիկ»ը (փողը) տալիս